



## **Universitätsbibliothek Paderborn**

### **Instructio practica ...**

Continens Armamentarium Seu Panoplima Spiritualem - Id est, Varia arma  
& media ad omnis generis tentationes fortiter sustinendas, & feliciter  
superandas, Ad Omnium Quidem Animarum

**Lohner, Tobias**

**Dilingæ, 1688**

Tent. II. Cir[c]a veritatem Communionis.

[urn:nbn:de:hbz:466:1-48377](#)

tius futurum sit Christo , si cum humilitate accedat ,  
quam cum metu irreverentiae abstineat .

§. II.

*Tentatio II. circa veritatem Communionis.*

XCVII. **A**nastasia Matrona , quoties communica-  
cat , gravissimas patitur tentationes circa  
veritatem Eucharistiae , unde non modò fervorem  
omnem ad præparationem , sed etiam devotionem in  
ipsa actuali devotione imminui queritur , ideoque à  
Confessario suo confirmari petit . Quæritur , quo-  
modo id facere debeat Confessarius ?

*Responsio.*

XCVIII. Inprimis ei narrat , quid S. Bernardus in  
Epist. dixerit : *Sacramentum DEI altissimum sumen-  
dum est , non discutiendum : venerandum , non diju-  
dicandum , fide sortitum , non innatum : traditione  
acceptum , non ratione adinventum.* Cui etiam Tho-  
mas Kemp. l. 4. c. ult. adstipulatur dicens : Caven-  
dum tibi est à curiosa & inutili perstiruatione hujus  
profundissimi Sacramenti , si non vis in dubitationis  
profundo submergi . Qui Scrutator est majestatis ,  
opprimetur à gloria . Fides à te exigitur , & sincera  
vita , non altitudo intellectus , neque profundum my-  
steriorum DEI . Si non intelligis , nec capis , quæ  
infra te sunt , quomodo comprehendes , quæ supra te  
sunt ? Subdere DEO , & humilia sensum tuum fi-  
dei , & dabitur tibi scientiæ lumen ; prout tibi fue-  
rit utile & necessarium . Atque adeò rectè S. Tho-  
mas

mas in sequentia dixit : *Quod non capis, quod non vides, animosa firmat fides, præter rerum ordinem.*

XCIX. Secundò eidem ostendat, & enarret, via argumenta & similitudines, quibus SS. Patres credibilitatem hujus mysterij demonstrare conati sunt. Inter quos S. Eusebius Emys. ho. 5. de Pasch. sic ait. *Sicut ad nutum præcipientis Domini repente ex nihilo substiterunt excelsa cælorum, profunda fluctuum, valeriarum, pari potentia in Spiritualibus Sacramenta verbi præcipit virtus, & servit effectus. Recedentes omne infidelitatis ambiguum, quandoquidem qui est Author muneris, ipse etiam est testis veritatis.* Sec & S. Ambrosius l. 3. de Sacr. id ipsum bene sequituribus argumentis confirmat : *Si tantum valuit sermo Eliae, ut ignem de cœlo advocaret, non valebit sermo Christi, ut species elementorum mutetur : de tota Mundi operibus legisti, quia ipse dixit, & facta sunt ipse mandavit, & creata sunt. Sermo igitur Christi qui ex nihilo potuit facere, quod non erat, non posset ea, quæ sunt, mutare in illud, quod non sunt : non enim minus est, novas rebus dare formas, quam mutare naturas.* Et iterum ibidem : *Liquet, quia præter rerum ordinem Virgo generavit, & hoc, quod conficimus, corpus ex Virgine est. Quid queris naturam ordinem in Christi corpore, cum præter naturam sit ipsius partus ex Virgine?*

C. Tertiò eidem ostendat, quām multi milliones hominum, etiam doctissimorum, hoc mysterium firmissimā fide crediderint, & proprij etiam sanguinis profusione confirmārint, & etiamnum credant, & confirmare parati sint ; quām ergo indecorum & præsumptuacum sit futurum, si ipsa velut simplex fe-

mina multum de hoc mysterio dubitare , & de pos-  
sibilitate ipsius judicium temerarium formare præ-  
sumperit. Dicat ergo illi , quod olim in alia mate-  
ria S. Augustino dictum est : *Potuerunt isti , & istae ,  
Et tu non poteris?*

CI. Quartò eidem ostendat , quot , quantisque  
miraculis probatissimis hæc veritas sit confirmata.  
Quoties irrationalia animalia coram SS. Evcharistia  
genua flexerint , aut alia signa reverentiae exhibuerint :  
quoties infantulus sub speciebus Eucharisticis sit vi-  
sus ; singulariter vero tempore S. Gregorij Mulier  
quamquam , quæ credere noluit , Christum latere sub  
hostia , eò quod ipsamet eam pintuerit , ad preces S.  
Gregorij eandem in carnem conversam , & mox ite-  
rum in antiquas species reductam viderit , uti Breden-  
bach. coll. 1. c. 17. testatur.

CII. Quintò denique eidem ostendat , quod hæc  
infidelitas gravissima ei damna inferat , & in specie  
omnem devotionem , consolationem , & fructum ,  
quem ex assensu firmo huic mysterio præbito sperare  
potuisset , destruat , & impedit ; multi enim , teste  
Thoma Kempensi l. 4. c. ult. devotionem perdidunt ,  
dum altiora scrutari voluerunt ; si autem devotio per-  
dita est , etiam fructus ex perceptione hujus Sacra-  
menti percipi solitus facile amittetur. Unde meritò  
eam sequentibus citati Authoris verbis hortari pote-  
tit : *Perge ergo cum simplici & indubitate fide , &  
cum supplici reverentia ad Sacramentum accedere ; &  
quidquid intelligere non vales , DEO omnipotenti se-  
cure committe ; non fallit te DEUS : fallitur , qui  
sibi ipsi nimium credit. Fides & amor hic maximè  
præcellunt , & occultis modis in hoc sanctissimo &*  
*super-*

superexcellentissimo Sacramento operantur. Jube etiam ipsam exemplum S. Ludovici ob oculos habens qui, dum in fatali morbo viaticum accipere vellat & à Parocho quæreretur, num crederet, Filium Deum verè in hoc Sacramento contineri? respondit: Minus & minus hac de re dubito, quam si oculis Christum in eafem seculūma, quā cœlum ascendit, intuerer. Unde & al tempore admonitus, Puerulum in hostia visibili apparere, noluit oculos ad eum videndum dirigere dicens, satis sibi esse, quod fidei oculo eum inuenire & hanc ratione ejusdem fidei meritum conservare possit.

## §. III.

Tentatio III. ob defectum gustus & consolationis sub communione.

CIII. **I**oanna Vidua, et si singulis septimanis hincum facultate Confessarij communicet, nullum tamen gustum aut consolationem ex tota communionibus se percipere queritur; unde quia hancarentiam gustus fortè ex nimia familiaritate, quae contemptum parit, aut consuetudine oriri suspicantur statuit deinceps non nisi singulis mensibus, aut ratiō etiam communicare; prius tamen tentationem hanc suam Confessario aperit, ejusque consilium requiritur. Quæritur, quid eidem respondendum, & quomodo huic temptationi occurrentum sit?

## Responsio.

CIV. In primis illi respondeat, hanc carentiam sapientie ex propria culpa provenire; quia fortè se ad communionem non, ut oportet, præparavit, aut alioquin peccatum.